

今縣釋名

柯昌泗署檢



序

蓋聞輿地之學古有所受尋其體例莫不以當時建置爲經往代沿革爲緯良以非通今不足以考古也班酈尙矣唐宋輿地諸書存於今者自元和郡縣志以降皆以今地名上溯於古至若後來淹雅之士專就古地名詮考成篇非不索隱鉤沉羽翼經籍然以體例覈之雖擅稽古之勞未稱專門之業也近世爲輿地之學者惟顧景范讀史方輿紀要一書體例宏博實足上承唐宋其後李申耆之地理韻編今釋許漸達之方輿考證雖繁簡不同其學皆出於顧君或加以條理或拓其規模詳觀三君之書又皆致力於今地名故能於建置沿革綜括分疏瞭若指掌足爲治輿地學者之津逮然顧君所記爲時多沿明制李許之書距今已逾百年自時厥後西置新疆東建東三省南析臺灣行省之名有加於前府廳州縣亦多增改迨至民國肇建廢併府州今制但有省縣兩等

省名凡增西康熱河察哈爾綏遠寧夏青海六省縣名之重複者
悉爲改易縣地之遼濶者時有分析方輿建置尤異向時三君之
書所類次者在今日則爲已往之沿革矣昌泗嘗擬臚列今古約
爲簡編用備緝檢適見吾友文登呂君允甫有今縣釋名之作遂
不復屬藁其書備列當代縣名考其分域之所自釋其命名之由
來援據史志鈎稽案牘抉擇精審編次簡覈較李君韻編今釋其
便於學者則先後同符將來有繼顧君紀要許君考證而作者亦
必取材於此書無疑也嘗謂讀史者以先通輿地之學爲基治輿
地之學者又以先通今地名爲基輿地之於史學猶小學之於經
學也今地名之於古地名猶篆隸之於古文也故曰非通今不足
以考古而古人相承之體例爲不可易也允甫之爲是書夫亦猶
顧李許三君之志矣民國廿年九月膠縣柯昌泗謹序

序

予與允甫交三十年矣其素好學深思儕輩皆弗及歲在庚午予居舊京與允甫時相過從每見其書室圖史紛羅凌雜至不可理因知其近又致力於輿地之學未幾以所著今縣釋名一書相示予受而讀之見其考證詳明引據賅博於各縣命名之來歷搜討靡遺間出新義能發前人之所未發至古名之不可解者則付諸闕如不逞臆說其但取嘉名無關地望者亦不煩辭費祇略紀其建置沿革而已其用筆矜慎如此允甫受業於膠西柯鳳蓀先生之門是書經先生爲之鑒定多所指正洵哉可傳之作也顧允甫猶歉然以爲未足以問世其言曰凡治輿地學者在周知其疆域道里山川阨塞與夫田賦戶口風俗物產之殊方爲有用之學若夫名則末焉者也取其末焉者而釋之又末之末者也性之所樂輯成是編聊備遺忘固不足以言地理學而况其中舛訛疎漏在

所不免者乎予曰不然昔先王體國經野大之一州一國小之一里一巷莫不有名卽莫不有其命名之義管子曰按實而定名凡物之名皆按實而定者也欲求其實而不究其名可乎予嘗謂現行各縣名有但取一時崇尚之語廓落而無當者宜一切準諸地望氏以嘉稱期於名副其實不可移易其迭經移置以致指以爲名之山川反不在境內如當塗濟陽之類亦宜改定嘉名以符按實定名之旨然則是編不特攻輿地學者必不可少之書抑亦談行政區域者所當資爲考鏡者也因慙慙付梓以公諸世並爲序其簡端如此

中華民國二十年五月博山張敬顥撰

序

余少習帖括學無根柢一行作吏益復不遑讀書學之不博懷慙愚蒙不獨地理然也嘗舉一縣名茫然不知其所在其疆域廣狹山川阨塞盲於心目更無論矣年來敷門不出閒居多暇輒發篋中所存古今輿記粗事繙閱顧獨喜探討地名所自起於是羅列現行各縣名於冊思欲一一窮其原始究其因由窺人藏書不富又習於懶惰借書觀覽亦病未能攜攜所得遂止此數其中舛譌譌陋穿鑿傳會自知不免然以爲地理之學自有其切於實用者在今不求其實區區惟名之索無異於玩物喪志既無關要指鍗而不舍疲精神於無用之地不亦慎乎因而廢然棄置者久之乃二三友好謬謂可存勸令付諸劊劊則又以爲茲事旣性之所樂其有用與否自可不計倘承博物君子糾其謬誤補其缺漏惠然見教俾得重加輯綴臻於精核則獲益多矣非所敢望也呂式斌

允甫氏識於北平寓廬

凡例

一編內凡云某代置者卽現行縣名之所自始其云某代置府或置廳州等亦言其名所自始但非縣耳

一前代建置沿革但取於今名有關聯者錄之否則從略

一凡縣名定自前代者其縣治雖經遷移仍係以原定朝代以符原始之旨

一凡命名之義有未能了解者姑從闕如應俟詳加考證再爲補綴其但取嘉稱義意顯著者亦不復註釋以免繁冗

今縣釋名卷一

文登呂式斌允甫

江蘇省

江寧

晉武帝太康元年，分秣陵置臨江縣，二年更今名，寰宇記云，晉元帝過江，以江外無事皆寧靜，於南浦置江寧縣，按元帝以故江寧縣為琅邪國，徙置江寧於南浦，謂元帝始置江寧者誤也。

句容

漢置，因句曲山為名，元和志，茅山本名句曲，以山形似己字，故名句曲，有所容，故號句容，句音鈞。

溧水

本漢溧陽地，隋平陳，置今縣，溧水出此縣，流入溧陽，溧音栗，王先謙曰，范睢傳，伍子胥至陵水，索隱引劉氏云，

陵水即溧水，陵溧雙聲字，建康志，溧水一名瀨水，江上有渚曰瀨渚，即子胥乞食投金處，東流為瀨溪，入長蕩湖，溧

瀨亦雙聲字，

高淳

明以溧水縣之高淳鎮置縣，因名。

江浦

明以六合縣之浦子口置縣，因名。

六合

本楚之棠邑，秦爲棠邑縣，北齊置秦州，後周改方州，又改爲六合郡，因六合山爲名，隋廢郡置縣，輿地紀勝，六合山

卽定山，有寒山獅子石人雙雞芙蓉高妙六峯相接通，謂之六合山。

鎮江

本秦丹徒縣，吳孫權初鎮此，謂之京城，後遷秣陵，於此置京口鎮，唐爲鎮海軍節度使，宋改鎮江軍，皆因京口鎮爲名

，明爲鎮江府，治丹徒縣，民國廢府存縣，旋改縣曰鎮江。

丹陽

秦縣，宋祁曰，丹陽應作丹揚，洪适曰，東漢以北有赭山，改丹陽，而丹揚太守郭旻碑，仍題丹揚，通用前朝字也，晉

書地理志，丹陽有丹揚山，多赤柳，在西也，寰宇記，經巖山在絳岩湖側，本名赤山，丹陽之義出於此，又云，今丹陽

本漢曲阿縣地，舊名雲陽，唐天寶元年置縣，按丹陽有楚丹陽，吳丹陽，楚丹陽熊繹所封，在今秣歸及枝江者是也，吳

丹陽，秦爲縣，漢因之，在當塗縣東者是也，漢武帝置丹陽郡，乃於縣稱小丹陽以別之，秦縣故城，今名丹陽鎮。

金壇

本漢曲阿縣地，隋末盜起，土人保聚，因爲金山縣，唐改今名，茅山在縣東六十五里，古名岡山，寰宇記，周時名其原澤爲勾曲之穴，秦名爲勾金之壇，南徐州記云，洞天三十六所，勾曲爲第八，名金壇華陽之洞，又河圖云，乃有地肺，土良水清，勾曲之山，金壇之陵，縣名本此，

溧陽

秦縣，在溧水之陽，應劭曰，溧水所出，南湖也，案隋析縣地置溧水縣，今縣非溧水所出矣，

揚中

清光緒三十二年，置太平廳，民國二年改太平縣，三年改今名，縣本爲太平洲，孤峙揚子江中，故名揚中，

上海

本宋之上海鎮屬華亭縣，地居海之上，曰華亭海，宋時立市舶提舉司及權貨場於此，元置縣

松江

元置松江府治華亭縣，民國元年，廢府，三年改縣名，松江爲三江之一，

南匯

本明之南匯守禦所，清置縣，有金滙塘，

青浦

本青龍鎮，孫權造青龍戰艦於此，因名，縣東有趙屯大盈顧會盤龍等浦，俱分受吳淞水，入黃浦，一統志，嘉靖中置青

浦縣於此，尋復廢爲鎮，萬曆初又置縣於唐行鎮，而青龍爲新涇巡司治如故。

奉賢

雍正二年，析華亭青村所置縣，一統志，奉賢涇，在奉賢縣東南，九港東北流入運港，縣取名以此。

金山

清置，本明之金山衛，海中有金山，又有小金山，楊維禎云，淞之南有大金小金，出沒於雲海之中，即指此二山。

川沙

地名八團鎮，有下沙三場鹽課司，明嘉靖三十六年，置川沙堡，置兵戍守，屹爲巨鎮，清置廳，今改縣。

太倉

漢婁縣地，舊曰東倉，相傳孫吳所置，一統志，太倉之名，始於宋郊置水利書，于古並無所見，舊說或謂春秋時吳王所

置，或謂漢吳王濞，及吳越錢王所置，皆屬臆說，即陳仲所云孫權結好於公孫淵，置倉於今武陵橋北者，亦無確據也。

明置州，民國元年改縣，並將鎮洋縣併入。

嘉定

本崑山縣地，名膠城鄉，宋嘉定十年置縣，以年號爲名。

寶山

東南有寶山，明爲寶山所，永樂十年，平江伯陳瑄，命海運將士，築寶山，爲海中表識，周四百丈，高三十餘丈，海洋

空闊，遙見千里，清置縣，

崇明

唐爲海中沙洲，五代楊吳置崇明鎮，元因置州，明改縣，

啓東

民國十七年，析崇明縣地置，設治於崇明外沙，明爲東沙守禦所，且爲蘇省東境，故以啓東爲名，

海門

漢海陵縣沙地，後爲東洲鎮，五代周置海門縣，明嘉靖中圯於海，乾隆三十三年，置海門直隸廳，民國元年改縣，地由

海中漲出，三面臨海，有海門島，相對若門，

吳縣

秦縣，故吳國也，劉熙釋名曰，吳虞也，秦伯讓位而不就，歸封之於此，虞其志也，按史記吳秦伯奔荆蠻，自號勾吳，

劉氏之說非是，民國元年，將長洲元和二縣，太湖靖湖二廳併入，

常熟

梁置，有常熟山，本名銅官山，天寶中改名，民國元年，將昭文縣併入，

崑山

本漢婁縣地，吳陸氏之先葬此，輿地紀勝，機雲兄弟有詞學，時人以玉出崑岡，因名其山曰崑山，府志，梁置崑山縣，

在此山之北，後遷治於馬鞍山下，俗遂指馬鞍爲崑山，而以此爲小崑山，一統志，今華亭婁縣之北，及青浦之境，本皆崑山縣地，故遙取以爲名，謂舊治在
山北悞，民國元年，將新陽縣併入，

吳江

五代梁析吳縣地，於淞江置縣，淞江即吳淞江，一名松陵，又名笠澤，民國元年將震澤縣併入，

武進

周延陵邑，漢曰毘陵，吳大帝改丹徒爲武進，唐移置於此，民國元年，將陽湖縣併入，

無錫

漢縣，錫山在縣西，惠山之支麓也，唐陸羽惠山記。山東峯當周秦間，大產鉛錫，故名錫山，漢興錫方殫，故削無錫縣

，王莽時錫復出，改縣名曰有錫，後漢有樵客於山下得銘云，有錫兵，天下爭，無錫清，天下寧，有錫診，天下弊，無錫又，天下濟，自光武至孝順之世，錫果竭，順帝更爲無錫縣，宋聶厚載云，樵客得銘，合在文景之世，陸云後漢得銘非也，案莽改縣名，大抵相反爲詞，陸氏有錫無錫之說，恐屬附會，民國元年，將金匱縣併入，

宜興

晉永興元年，以周圯創義討妖賊石冰，割吳興之陽羨，并長城縣之北鄉，立義興郡，以表玃之功，隋因置義興縣，宋改

義爲官，民國元年
將荆溪縣併入。

江陰

漢毗陵縣地，梁置
縣，大江在北。

靖江

大江陰縣地，名馬馱沙，明置縣
，大江舊分二派，繞縣南北。

南通

五代開置通州，蓋以據江海之會，地當津要而名
，民國元年改今縣，因北有通縣，故此加南。

如臯

晉置，如臯港在縣西，港
側有如臯村，縣因以名。

泰興

南唐昇元三年，析海陵之南界五鄉
置縣，屬泰州，因吳泰伯爲名。

淮陰

漢縣，在淮之南，故名，宋以清河口
地置清河縣，民國三年，復漢舊名。

淮安

縣臨淮水，本漢射陽縣，晉置山陽縣，宋
改淮安，元復爲山陽，民國三年復改。

泗陽

漢縣，後爲宿遷之桃園鎮，金置淮濱縣，元至元十四年，置
桃園縣，明初訛園爲源，民國三年，改定重名，復故，泗水

在縣北，故名。

漣水

隋置，縣界有漣水，即沐河也，水經注，沐水下流，古分爲二，今名南漣北漣，縣志，有西漣河，中漣河，東漣河，宋爲安東州，明改安東縣，民國三年，改復舊名，漢淮浦縣有游水，一統志，游水今漣河。

阜寧

清雍正九年，析山陽鹽城縣地置，一統志，有阜寧湖，在山陽高家堰西南二十餘里，西接洪澤湖，淮水盛漲，往往湖水爲患，堤坊最要者也。

鹽城

本漢鹽漬縣，晉安帝改今名，縣臨海岸，有鹽亭一百二十三所。

江都

本秦廣陵縣地，屬廣陵郡，漢景帝立江都王國，遂因國以建縣焉，史記，大野既都，彭蠡既都，鄭康成曰，南方謂都爲瀦，是水聚會之義，孔安國曰，水所停曰都，大江西南自六合流入縣境，舊闢四十餘里，謂之京江，今闢十八里，江水最盛處也。

儀徵 南唐爲永貞縣，宋大中祥符六年，以聖像成功，升爲眞州，政和中爲儀眞郡，後廢爲縣，雍正元年改儀徵，

東臺 清置縣，指東巡臺爲名，即賦詩臺，魏文帝嘗立馬賦詩於此，

興化 漢海陵縣地，五代吳置縣，

泰縣 漢海陵縣，晉爲海陽縣，唐改吳陵，並置吳州，南唐於此置泰州，因吳泰伯爲名，民國元年改縣，

高郵 秦築郵亭於此，曰高郵亭，漢因名縣，

寶應 漢平安縣，東漢改安宜縣，唐上元中女尼眞如，流厲此縣，天帝賜以八寶，吏具以聞，肅宗召代宗謂曰，上天賜寶於楚

，天祚汝也，因改元寶應，並以年號名縣，楚州刺史鄭輅，撰得寶記，言其事甚詳，

銅山 清置，一統志，縣東北有銅山，舊常產銅，故名，相傳古彭城廢縣在其下，

豐縣 漢縣，本秦泗水郡沛縣之豐邑，漢高帝生於此，應劭曰，沛縣豐鄉也，後以爲縣，有豐水，